

ԵՊԻՍԿՈՊՈՍԱԿԱՆ ՁԵՌՆԱԴՐՈՒԹՅՈՒՆ ՄԱՅՐ ԱԹՈՒ ՍՈՒՐԲ ԷԶՄԻԱՄՆՈՒՄ

Սույն թվականի սեպտեմբերի 26-ին՝ Վարագա Սուրբ Խաչի փոխին, ձեռամբ Ն.Ս.Օ.Տ.Տ. Գաբեգին Բ Ամենայն Հայոց Հայրապետի, փեղի ունեցավ եպիսկոպոսական ձեռնադրություն: Հընթացս Ս. Պարարագի ձեռամբ Ամենայն Հայոց Հայրապետի եպիսկոպոսական ձեռնադրություն և օծում սրացավ Մայր Աթոռի դիվանապետ Հոգեշնորհ Տ. Արշակ վարդապետ Խաչատրյանը:

Ըստ Հայաստանյայց Եկեղեցու առաքելավանդ կանոնադրության՝ դեռևս նախորդ օրը հանդիսավոր կերպով կատարվեց ընծայացու վարդապետի երդման արարողությունը: Գերաշնորհ Տ. Եզնիկ եպիսկոպոս Պեղրոսյանի, Տ. Նավասարդ եպիսկոպոս Կճոյանի և Տ. Փառեն եպիսկոպոս Ավետիքյանի վկայությամբ Հոգեշնորհ Տ. Արշակ վարդապետ Խաչատրյանը «ի ծուրս առաջի եկեալ» Իջման Ս. Մեղանի առջև ընթերցեց եռամեծ վարդապետ Գրիգոր Տաթևացու սահմանած երդմագիրը, որի փակ ի վկայություն ընծայացուի հոգևոր պարտասրականության՝ տրորագրեցին վերոհիշյալ եպիսկոպոսները:

Հաջորդ օրը, առավոտյան ժամը 10.30-ին, Մայր Տաճարի զանգերի քաղցրալուր դողանքներն ազդարարեցին Ս. Պարարագի սկիզբը և շքեղազարդ թափորը Վեհափառ Հայրապետի հանդիսապետությամբ Վեհարանից շարժվեց դեպի Մայր Տաճար: Թափորը Վեհափառ Հայրապետի հանդիսապետությամբ, «Հրաշափառ Աստուած» շարականի երգեցողությամբ մտրեցավ Ս. Սյրեփաննոսի Խորանին, որտեղ կատարվում է եպիսկոպոսական ձեռնադրության առաջին մասը, ուր Նորին Սրբությունն ունկնդիր է լինում «համօրէն ուխտի» վկայություններին:

Խաղաղափյալ Գերաշնորհ Տ. Փառեն եպիսկոպոս Ավետիքյանի «հրամայեա Տէր» հրահանգից հետո պարարագիչ Հայրապետին մտրեցան Հայ Եկեղեցու նվիրապետական կառույցի ներկայացուցիչները՝ դռնապաններ, ջահընկալներ, սաղմոսասացներ, սարկավագներ, քահանաներ: Հնուց եկող ավանդույթով ձևավորված կանոնով՝ եպիսկոպոս ձեռնադրվողի համար վկայություն են փալիս խորհրդանշական կերպով ժողովրդի երկու դասերը ներկայացնող և իշխանք ու ռամիկք անվանվող ներկայացուցիչները: Առաջին դասը ներկայացնում էին ամերիկահայ ճանաչված բարերար Վահագն Հովնանյանը և կանադահայ ազգայիններից Գաբեգին Օդաբաշյանը, իսկ երկրորդ դասը՝ «Էջմիածին» ամսագրի գլխավոր խմբագիր Վարդան Դերիկյանը և ՀԷԿԼՕՖ բարեսիրական փոխարվական հիմնադրամի փոօրեն Տիգրան Հովհաննիսյանը:

Այս ամենից հետո ընծայացու եպիսկոպոսն աղոթասացություններով և սաղմոսերգությամբ ծնրադիր առաջնորդվեց Ս. Սյրեփաննոսի Խորան, ուր Նորին Սրբությունն ընծայացուի հավաքու քննության կարգը կատարելով՝ նրան նախ շնորհեց եպիսկոպոսական եմփիորոնը: Այնուհետև Ս. Պարարագը շարունակվեց Մայր Տաճարի Ավագ Խորանին: Ընծայացուն ծնկաչոք դառնալով դեպի հավաքացյալ ժողովուրդը, վեր բարձրացրեց ձեռքերը՝ ի նշան բոլորանվեր ծառայության: Ձեռնադրող Հայրապետը «Տէր Աստուած մեր» աղոթքի ընթերցանությամբ մյուռոնաօծ աջով ձեռնադրեց ընծայացուին:

תדעו שכל המעשים הנעשים ביום הזה
 הם למען השם וכל המעשים הנעשים
 הם למען השם וכל המעשים הנעשים
 הם למען השם וכל המעשים הנעשים







ՎԵՐԱՓԱՌ ՀԱՅՐԱՊԵՏԸ ՕԾՈՒՄ Է ԱՐԵԱԿ ՍՐԲԱԶԱՆԻ ՃԱԿԱՏԸ





ՎԵՐԱԲԱՆՈՒՄ ԴԱՅՐԱԿԱՆ ԵՊԻՍԿՈՍՈՍԱԿԱՆ ԳԱՎԱՋԱՆ Է ՇՆՈՐՀՈՒՄ
ՆՈՐ ԶԵՆՈՆԱՐԿԱԾ ԱՐԵԱԿ ՍՐԲԱՋԱՆԻՆ

Մոտեցավ ձեռնադրության արարողության ամենախորհրդավոր պահը: Նախ նորընծա եպիսկոպոսը «Աստուածային եւ երկնատուր շնորհ» հոգեպարար շարականի հնչյունների ներքո «զձեռս ի վեր առեալ» դարձավ արևմուտք՝ ի հրաժարումն աշխարհական կյանքից, և ապա: Ազգիս Շնորհազարդ Հայրապետը Սրբալույս Մշտունով օծեց նվիրյալի ճակատը և աջ ձեռքի բութ մասը: Այդ ընթացքում դարաց դասի հիասթափ կատարմամբ հնչում էր «Օծում, գոր հեղեր...» շարականը: Նորին Սրբությունը նորաօծ եպիսկոպոսին հանձնեց եպիսկոպոսական գավազան և մատանի:

Հավարտ ձեռնադրության նորաօծ Արշակ եպիսկոպոսին հայրապետական իր պարգամն ու օրհնությունը ուղղեց Նորին Սրբությունը:

ԳԱՐԵԳԻՆ Բ ԱՍԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ՝ ԱՍՎԱԾ ԵՊԻՍԿՈՊՈՍԱԿԱՆ ՁԵՌՆԱԴՐՈՒԹՅԱՆ ԸՆԹԱՅՔՈՒՄ

«Առ զխաչ քո եւ եկ զկնի իմ»:

(Մարկ. Ժ 21)

«Յանուն Հօր եւ Արդույ եւ Հոգւոյն Սրբոյ. ամեն»:

Սիրելի բարեպաշտ հավատացյալներ, այսօր նվիրական տոնն է Վարագա Սուրբ Խաչի: Մեր հոգիներում վերստին բարձրացնում ու փառաբանում ենք մեր Տիրոջ Սուրբ Խաչը, որով ունենք փրկություն ու կյանք:

Քրիստոսի Խաչափայտի մասունքը, որը Սուրբ Հռիփսիմեն բերեց Հայաստան, դարեր անց հայտնվեց աղոթասեր ճգնակյացներին, և հասարակվեց Վարագա Սուրբ Խաչի հիշատակը մեր Եկեղեցում: Վարագա Խաչի ճանապարհը մեր ժողովուրդը դարձրեց ուխտավորի ճանապարհ, քանզի խաչի խորհրդի մեջ գրել էր իր հոգու լույսը, իր կյանքի սերն ու գործությունը: «Առ զխաչ քո եւ եկ զկնի իմ» Տերունական պարվիրանին միշտ հավատարիմ եղավ մեր ժողովուրդը, և խաչը լուսավորեց պարմության մեջ նրա դժվարին ուղին:

Խաչի տոնի խորհուրդը, սիրելի բարեպաշտ հավատացյալներ, հրավեր է հավաքի ու նվիրումի գորացման, հրավեր՝ ծառայական մեր ուխտի նորոգության առ Աստված և առ Եկեղեցին Հայաստանյայց: Մեզ համար մեծ մխիթարություն է, որ Վարագա Սուրբ Խաչի տոնի ուրախությանն այսօր գումարվում է եպիսկոպոսական ձեռնադրության ուրախությունը: Սուրբ Խաչի տոնի լուսափայլ ու հաղթական խորհրդի հետ միաշաղախ Միաձնաէջ մեր Մայր Տաճարում ձեր աղոթքների ուղեկցությամբ կատարեցինք եպիսկոպոսական ձեռնադրություն՝ եկեղեցական բարձր իշխանության հետ առավել ծառայության կոչելով մեր Եկեղեցու նորաօծ եպիսկոպոսին: Փառք Տիրոջը, որ հաղթական ու պայծառ է մեր բազմադարյա Սուրբ Եկեղեցին և այսօր վերածայնում է իր սպասավորին: «Առ զխաչն եւ եկ զկնի իմ»: Հրավի, յուրաքանչյուր ձեռնադրություն հոգեզալուստ է Առաքելական մեր Սուրբ Եկեղեցու կյանքում և շնորհաց հեղում «ի շինութիւն եւ ի բարեկարգութիւն Սրբոյ Եկեղեցւոյս մերոյ»:

Մեր հայրերը պանծալի և գերահռչակ հանդես են անվանել եպիսկոպոսական ձեռնադրության արարողությունը, քանզի եպիսկոպոսն առաքելական հաջորդության մեջ կոչված է վերակացուն և տեսուչը լինելու Եկեղեցու և քաջամարտիկ ջախջախված ուղղափառ դավանության՝ համաձայն մարգարեի խոսքի. «Որդի մարդոյ, դէպ ինչպիսիքս դավանությանս» (հմմտ. Եզեկ. Գ 17): Կոչված է եկեղեցական բարձր իշխանությամբ, մաքուր վարքով, անբիծ հավատքով, անկաշառությամբ հովվելու բանավոր իր հոգին:

Ամեն անգամ, երբ հոգևոր, առավել ևս եպիսկոպոսական աստիճանի շնորհմամբ եկեղեցական ենք ծառայության կոչում հոգևոր մեր անդաստանից ներս, մխիթարությամբ գգում ենք Տիրոջ գորակցությունը Մեզ, քանզի ականաբար ենք մեր եկեղեցվո նոր գարթոնքին և հավատում ենք, որ Սուրբ Էջմիածնի Մյուռնոնով դրոշմված նվիրյալ հոգիներ պիտի լծվեն Սուրբ Էջմիածնի շինությանն ու պայծառությանը, հավատում ենք, որ Սրբալույս Մյուռնոնով օծումը նոր կորով, նոր եղանակ ու քաջամարտություն պիտի պարգևի ընծայալին:

Միրելի բարեպաշտ հավատացյալներ, այսօր եպիսկոպոսական իշխանության ծանր, պատասխանատու, բայց և քաղցր լուծը կրելու կոչվեց Գերաշնորհ Ս. Արշակ եպիսկոպոս Խաչատրյանը: Արշակ եպիսկոպոսը ծնվել է Նայաստանում՝ Ոսկեհար գյուղում, միջնակարգ կրթությունը գյուղի դպրոցում ստանալուց հետո՝ ուսանել է Էջմիածնի Նոգևոր ճեմարանում: Գերազանց առաջադիմությամբ ավարտելով ճեմարանը, 1997 թ. ձեռամբ հոգեւոր Ս. Զավեն արքեպիսկոպոս Չինչինյանի ստացել է կուսակրոն քահանայության աստիճան: Եղել է Մայր Աթոռ Սուրբ Էջմիածնի պաշտոնական «Էջմիածին» ամսագրի գլխավոր խմբագիրը, վարել է այլ պաշտոններ և 2001 թ. ի վեր Նայրապետական մեր տնօրինությամբ իրականացնում է Մայր Աթոռի Դիվանապետի պարականությունները: Նույն տարում Արշակ եպիսկոպոսին շնորհվել են մասնավոր վարդապետության չորս աստիճանները: Գերաշնորհ Ս. Արշակ եպիսկոպոսը ներկայացնում է Առաքելական մեր Սուրբ Եկեղեցին ՆԱԳԳԱՅԻՆ Ժողովում որպես ներկայացուցիչը Մայր Աթոռ Սուրբ Էջմիածնի:

Սրբազանին Մենք առավել ճանաչեցինք Մայր Աթոռի Դիվանապետի պաշտոնում վերջին չորս տարիներին նրա արդյունաշատ ծառայության ընթացքում: Մենք բարձր ենք գնահատում Առաքելական մեր Սուրբ Եկեղեցու և Սուրբ Էջմիածնի հանդեպ Սրբազանի որդիական նվիրումն ու նախանձախնդրությունը, որոնք, վստահ ենք, առավել ևս պիտի գործնան շնորհաբաշխ այս ձեռնադրությամբ: Մեր աղոթքն ենք բարձրացնում առ Աստված, որ Տերը օրհնի և առաջնորդի Սրբազանին իր ծառայության ճանապարհին, պարգևի երկնային իմաստություն, որպեսզի կարողանա իր կյանքը ապրել և փառավորել բարի ու ազնիվ, հայրենաշեն ու եկեղեցաշեն իրագործումներով:

Միրելի հայրերներ, այսօր մեր հիշողության մեջ արթնանում են այն խոսքերը, որ քսանմեկ տարիներ առաջ սրբազնասուրբ այս խորանի վրա Մեր եպիսկոպոսական ձեռնադրության առիթով արտասանեց երջանկահիշատակ Վազգեն Առաջին Նայրապետը. «Սրբազան բառին դեռևս վարժված չեք դուք երևի, - ասաց, - բայց հաճելի է ինձ առաջին անգամ դիմել ձեզ Սրբազան իմաստալից բառով»: Այո՛, սիրելի Արշակ Սրբազան, հեղաշուտ Դուք Սրբազան վսեմ կոչման կրողն եք լինելու, հե-

փնտրար Ձեր կյանքի ու ծառայագործության ճանապարհին պետք է լինեք իսկապես սուրբ և մաքուր ձեր մտածումներով, ձեր ապրումներով, ձեր աշխատանքով, ձեր ծառայությամբ՝ համաձայն Պողոս առաքյալի խոսքի. «Ձի պարտ է եպիսկոպոսին անարար լինել, որպես եւ Աստուծոյ փոքրսի, մի՛ յանդուգն, մի՛ բարկացող, մի՛ թշնամանող, մի՛ հարկանող, մի՛ զօշաքաղ, այլ հիւրասէր, բարեսէր, ցած, արդար, սուրբ, ժուժկալ, վերակացու լինել, հաւատարիմ բանին վարդապետութեան, զի կարող իցէ և մխիթարել ողջմտութեամբ վարդապետութեանն եւ զհակառակորդսն կշտամբել» (Տիմոս Ա 9): Արդարև, Պողոս առաքյալի պատգամի համաձայն, ով եպիսկոպոսության է ձգտում, ձգտում է բարի գործերի, որի լրումն է Տերունի հրավերը՝ ով կամենում է Իմ երևից գալ, թող իր խաչը վերցնի և գա Իմ երևից: Այս պատգամով և հորդորով հայցում ենք Բարձրյալի հանապազ օրհնությունն ու զորակցությունը Ձեզ, որպեսզի հավատարիմ մնաք եպիսկոպոսական ձեր ուխտին, նույն նվիրումով ու նույն սիրով շարունակեք Ձեր բարի ծառայությունը բերել՝ ի պայծառություն Մայր Աթոռ Սուրբ Էջմիածնի և Առաքելական մեր Սուրբ Եկեղեցու: Ձեռնադրության այս գեղեցիկ և ուրախ առիթով մենք շնորհավորում ենք մեր Եկեղեցու ողջ հոգևոր դասին, մեր բարեպաշտ հավատացելոց և մաղթում, որ Աստված բխեցնի Հայ Եկեղեցու ծոցում շնորհառար նոր հոգևոր սպասավորներ, ովքեր պիտի գան իրենց կյանքով և գործով փառավորելու անունը Հոր, Որդու և Սուրբ Հոգու:

«Ողջ լեռուք ի Տէր, զօրացեալ շնորհօր Սուրբ Հոգւոյն եւ յաւեր օրհնեալ ի մէնջ, ամէն»:

Սուրբ Պատարագից հետո Մայր Աթոռի սեղանադարձը հյուրերի և միաբանների մասնակցությամբ փեղի ունեցավ Կոնստանդնուպոլսի հայոցապետության, որի ընթացքում էլ Վեհափառ Հայրապետ Արշակ Սրբազանին հանձնեց եպիսկոպոսական պանակեն:

Ձեռնադրությանը ներկա էին մեծ թվով հավատացյալներ, որոնց շարքում նաև՝ ճանաչված մտավորականներ, ակադեմիական և համալսարանական գիտնականներ ու դասախոսներ, Ազգային Ժողովի պատգամավորներ, սիյուռքահայ ազգային-հասարակական գործիչներ և բարերարներ:

Գևորգյան Հոգևոր Ճեմարանի փեսությունը և ուսանողությունն ի խորոց սրբի շնորհավորում են Գերաշնորհ Տ. Արշակ եպիսկոպոս Խաչատրյանին՝ մաղթելով հոգևոր ծառայության ընթացքում նորանոր ձեռքբերումներ և նվաճումներ: Թող Աստուծո Հովանի Աջը պառի և պառի Հայ Եկեղեցու նվիրյալ սպասավորին՝ պարգևելով քաջառողջություն և երկար փարիներ ի կյանք:

ՎՅՅԿ ՈՒՐԱՐԱԿԻՐ ԲԱՐՍԵՂՅԱՆ

ԽՍԲԱԳՐՈՒԹՅԱՆ ԿՈՂՄԻՑ - «Էջմիածին» ամսագրի խմբագրությունը եւ շնորհավորում է ամսագրի նախկին խմբագիր Տ. Արշակ եպիսկոպոս Խաչատրյանին եպիսկոպոսական ձեռնադրության առիթով՝ ուրախ լինելով, որ Հայաստանյայց Առաքելական Սուրբ Եկեղեցուն Արշակ Սրբազանն իրեն բնորոշ կորովով ու նվիրումով այսուհետև ծառայելու է եպիսկոպոսական բարձր աստիճանով և իշխանությամբ: